

兩

浙

輶

軒

錄

兩浙輶軒錄卷二十四目

沈榮偶 沈樹德 孫貽年 何暉 沈冰壺

周炎 符曾 孫健 徐夢元 沈超

施槃 金淳 曹芝 黃琛 王承祖

魏之琇 陳撰 陳士璠 陳唐 顧光

溫恭 溫崧會 張雲鶴 王元啟 陳鏞

胡樹枏 胡樹薇 章寶傳 鄭萬年 鄭光瑗

柴景高 柴繩高 沈慶曾 王德溥

兩浙輶軒錄卷二十四

督學使者阮元

沈榮雋

字謙之號穢師歸安人三曾孫楷世子乾隆

陳焯曰榮雋幼敏悟六歲即能作韻語甫為文便有
人風格前輩奇之年十四賦落葉詩有秋涼通天下
夢到林間勾人稱為沈秋涼性至孝父病篤禱神願
身代割左臂一籌和藥以進沈畏堂徵君為記其事
沈榮昌詩集書後曰吾兄最攻苦窮經學自訂其文曰
宗彞集而為詩亦性癖佳句五言如忽到無俗寺還
有酒家飛鳥因風墮愁雲著水涼七言如千陵臺畔
秋光好紅荷青山叫畫眉皆非食烟火人所能道

雨過施靜巖風秀軒

三間茅屋裏幽獨賴鳴琴雨意猶憐草山光不隔林年來知
我瘦秋到費君吟明日西湖櫂烟波愜素心

湖樓雨中集

半日雨濛濛登樓望不窮湖光疎柳外山意斷雲中心與水
俱遠盟惟鷗可同梅花何處落一笛怨秋風

沈樹德

字中培一字畏堂歸安人乾隆

詞科掌錄歸安沈樹德中培廩生浙江總督大學士無錫楊公所薦竹溪沈氏風雅白閑學心齋先生首倡翰編聯翁繼之一門羣從有端文揆曾素菴九相廖仲楷世同氣能國樞庭樹槐殿擊柱臣及東甬三昆弟人人有集標映一時於時申培尚在塾年故倡和集中不與省試河國洛書辨小阮爲師翰編恒稱之

借葉皋亭嚴翼吾登武昌城黃鶴樓分韻

十盤攀陟武昌城回首當年感咽生可但烏林無北魏須知黃祖有南荆三分霸業春江在百戰蠻疆夕照橫多少興亡成一瞬危樓何事獨崢嶸

孫貽年

字穀仁號壽門歸安諸生在豐孫乾隆丙辰舉博學鴻詞辛未南巡召試一等一名

畱別都門友人

風雨離家憶苦辛重尋歸路豈迷津難將面目酬知已空把肝腸說向人對酒何妨邀阮籍讀書早已薄蘇秦故園頗有

梅花古靜對寒香養性真

何

悼字念修山陰貢生嘉延子乾隆丙辰薦舉博學鴻

李綬兩山詩鈔序畧曰吾鄉魏叔子先生全集載山陰

列御何公一傳余讀竟深悲侍御以名進士起家捐軀

此亦志士仁人所為推磨歎悼者也壬寅余放廢河干

賦居江寺侍御之孫悼受業余門是歲

天子詔與博學鴻詞余擬以生名應而安儼趙中丞薦矣生

道經淮陰相遇于袁浦舟中固喜生仕路有階而轉惜

生以他途進也生出其近日所撰麟經拾瀋數卷求余

訂定生幼治春秋備究終始標義於三傳古注疏之外

春秋之義通于三百篇其解春秋

也義既嚴則其於詩也律更細矣

丙辰元旦次陳六寒漏韻

客途到處便為家四十春光幾看花賀者不勞門寫鳳新年

何事壁塗鴉青袍落拓腰肢瘦烏帽低昂鬢髮斜眼底團圓

多骨肉笑談忘却是天涯

沈冰壺

字清玉號梅史山陰歲貢生乾隆丙辰舉

詞科掌錄山陰沈冰壺頗涉獵書傳詩雖多非所工也

薦及古樂府一卷桑主事破市攜入都以其知名得薦

廷試最後納卷被斥落或言其史論中欲黜蜀帝魏及進

事惡其偏謬故也

越風梅史性孤峭於時寡所合常有古人不見我之恨

喜博覽家貧無書恒借書披閱有得即見諸筆墨經史

最所窮究更熟勝國諸老軼事詩不規規講求音

韻采色而善於持論觀其咏史樂府可見一斑

隨園詩話清王璘非反李自受誣作夜郎行雪李贊皇之

解如舞承王璘非反李自受誣作夜郎行雪李贊皇之

非黨作崖州行笑隋主諱字文身瓦於宇文作南氏怨

以何平叔之說即梁蕭誣李固之胡粉飾貌也人言崔浩毀

離乎之說即梁蕭誣李固之胡粉飾貌也人言崔浩毀

皇朝文獻通考錄入別集稱是僅評論事跡之末然有意駭
俗遂至流于放誕至其評品詩人文人悉加排詆隱
然以第一人自居亦妄甚矣又案
欽定四庫全書錄入存目提要稱是編咏古與地家評論事

蹟者又別其學識頗為拔俗而有意示高或流於誕如
論帝魏帝蜀一條洞見宋人之瘦結論蘇氏父子之文
自相矛盾一條足闕其口論續通鑑綱目諸條皆頗公
允論岳飛女銀瓶一條極有根據羊祜則恭帝二條亦
頗有推闡至於以司馬遷之先黃老後六經為是以王
充論衡欲藉諸子正經之誤為識在董仲舒上以張子
荀子為兩大儒以老子配論語莊子配易管子配書離
騷配詩荀子配禮史記配春秋續為沈氏六經謂管子
地員篇班固地理志伯仲禹貢而周禮職方有愧色皆
未為定論其論劔俠傳之誇似矣不知劔俠傳本無是
書乃明人鈔太平廣記二卷為之其論亢倉子為影撰
是矣不知明人為王士元所補士元作孟浩然集序自言其
始末最明頗為失考又如
國朝詩人自王士禛朱彝尊田雯梁佩蘭宋琬諸人無一
不肆詆排
國朝文人自黃宗羲毛奇齡汪琬姜宸英王源方苞諸人
無一不遭指摘或加以醜詈至謂其不堪供
哂且謂此外寥寥自創無譏其意尤放誕矣

何氏臆

寧居何氏廬不願為曹氏子不入司馬黨安得不為曹氏死
平叔忠孝誠兩全宗旨老莊何損焉謀去強臣張帝室史臣

佞筆書反逆正始選舉最得人公論雖泯出晉臣

見傅咸疏妄傳

粉白不去手湯餅之拭君知否吁嗟乎搔頭弄姿誣李固噴噴千載人不悟

我負卿

孔熙先志久抑三十尚爲郎那得不作賊熙先作賊負帝明帝猶痛惜不絕聲有才如此我負卿帝乎帝乎誠憐才壞汝萬里長城胡爲哉

南陽怨

隋煬帝女

天下擾擾頻顧影練巾終上好頭頸隋人盡滅宇文氏誰知仍從宇文死夏王草竊能討賊唐公父子含愧色宇文國賊法應族公主有子不願育鴛鴦兮翼碧江秋得比陳宮破鏡不昔爲婚媾今爲仇別鶴孤鸞甘白頭

夜郎歎

唐家支庶傾大藩祿山間之爲膽寒賀蘭一言傾房公骨肉
猜嫌填心胸永王謀反出附會王不能明白何怪可憐天上
謫仙海上釣鼉客長流夜郎號黨逆同爲上皇臣同輔上皇
子鄴侯爲名佐太白坎壞死所遭幸不幸二李天淵懸若此
噫吁嚱王不反有公道白從王非草草或言出脅致回護未
深考紛紛譏議盡可埽

崖州行

贊皇之勲配裴度度薦宰相才此言殊不誤牛李之怨亦由
度黑白昭然本易悟珏耶嗣復耶贊皇實救之綢耶敏中耶
贊皇實引之此皆牛李黨誰言贊皇胸中城府多徇私太原
上黨次第克造滕密謀皆真力武宣二宗本水火太叔得立

太尉福崖州之變意中事何必夢中乞哀我

東林詠

莫言東林賢未必盡君子若欲殺東林狼戾甚於此傷哉天
啟末諸公駢首死禍與國運相終始南渡紛紛猶不止

三間

茅屋三間窄好山四面圍溪光侵簪帽雨色護苔衣身老花
偏好家貧草轉肥蓬門過客少病鶴倘依依

周

炎

字西序號青瑤蕭山諸生乾隆丙辰

詞利筆錄蕭山周炎青瑤蕭江總督上蔡程公所薦
賦性溫茂淵懷若不及古文刻厲精粹似孫可之
為鍾江司馬時有越郡寄華之選託余徵詩余與西序
世誼交最善因錄其詩二十餘首郵寄之其題西施廟
云誓死未酬亡國恨偷生肯上五湖船秋闈云秋林無
靜葉寒水有沈魚又如曉行云馬嘶殘夢過江東怯相
寺云山深寒月凍琉璃皆佳句也舒華之選今改名越

風梓以行世而所載西序詩不及諸作豈久而遺其稿耶然則越詩之佳者越風之所遺亦多矣西序於乾隆元年應博學鴻詞試至都門不能上竟以諸生終按嘉興沈廉少年入秦曾有句云去題百二關中壁要看三千里外山間者壯之西序弱冠登岱云帝座仰窺纔尺五黃河下視直三千亦屬何等氣槩其後兩人俱不獲一第抑鬱終身然則世之以詩句小人榮枯者乃偶中耳豈可全信哉

遣女

生男苦不長生女總盈前看汝宜家日悲予授杖年隨行惟竹筒耀首乏金鉶勉能操作何須愧鮑宣

岱廟

丹崖萬仞削青天玉檢金泥護紫烟帝座仰窺纔尺五河流下視直三千東方玉帛壇前聚北極星辰掌上懸野老年來望

巡幸海波無恙悉成田

咏柏

鐵戟當門老榦森蒼虬風入夜能吟孤撐歲月還真性力戰
冰霜結半陰豔李璣桃凡幾輩寒松翠竹是知音杜陵野老
閒無事長抱君臣際會心

送友人渡江北遊

江頭波浪勢兼天獨立蒼茫喚渡船萬里此行誰結伴照人
肝膽有龍泉

憩韜光寺

靈峯遊不盡攬勝入韜光石路竹風掃山厨薤葉香沈碑吟
斷句憑檻話斜陽何處疎鐘動清音入澗長

南園

半落南園裏依然一草廬秋林無靜葉寒水有沈魚地僻逢

迎懶家貧事業疎誰憐張仲蔚老却案前書

曉發

鄰雞三喔月將白茅屋雙扉燈半紅無限歸心逐前侶馬歇殘夢到江東

符

曾

字幼魯號藥林錢唐監生乾隆丙辰舉博學鴻詞

詞科掌錄錢唐符曾幼魯監生以工部侍郎休寧汪公

保舉授七品小京官在戶部監萬安倉宏詞為刑部侍

郎靜海屬公所薦丁內艱不與試詩章脫手清便氣韻

尤高初刻有賞雨茅屋稿韻惟在骨始非俗清到無言

但得香吟梅句也又有句云秋山到晚露全骨涼月伴

人成苦吟又有句云三日不來秋滿地蛩聲如雨落空

山皆在人口居京師刻春是稿錢唐陳楞山以為操

舍自命不限常律洗削凡近出於自然如春在花如意

在琴軟妙造神難以述尋長洲沈礪士以為如鶴鳴空

山泉流斷壑使讀者夷然冷然不自知其矜平躁釋也

其為名流所推服如此後游江

隨園詩話杭州符郎中幼魯詩主高淡稿相國為子誦

其三日不來秋滿地蛩聲如雨落空山一聯余記其齋

兩浙輶軒錄卷二十四

宮云寒雲添暝色老屋聚秋聲咏唐花云當時不藉吹
噓力少待陽和也自開哭揚州馬秋玉云心死便爲大
自在魂歸仍返小玲瓏小玲瓏山館者馬氏花園也屬
對甚巧賀周石帆學士納妾云藥爐經卷都拋却只向
燈前喚夜
深九蕊藉

梧門詩話符幼魯曾舊藏梅花研楊子苑仙見而作歌
查儉堂愛苑仙之才妻以女幼魯卽贈研爲聘且圖焉
阮吾山賦詩云琢就琳腴潑練光湘奩添得紫雲香才
人一曲梅花引不用吹笙學鳳凰花影娟娟鬢影嬌東
窗紅日麝煤調玉臺好試
珊瑚管鎖裏春山著意描

舟行新安江中

翠重黛掩山無數蛾綠娟娟好眉嫵溪山如此真大佳行人
指說新安處家家結屋臨江邊門前多種垂楊樹樓做青山
四面橫水風吹得全消暑天外微雲吐復翳晚涼幾陣蕭疎
雨雨過斜陽沒遠山簫蓬低小沿流去飛來一鷺行近人獨
對船窗如欲語

春山

春山畫出修眉濃，巖壑窅窅浮嵐中。
人家茅屋隔流水，上下十里吹東風。
懋春我欲入山去，林外時時聞鳥語。
試覓春光多處來，山前山後桃花雨。

慧雲寺有約齋書陀羅尼經幢，僅存半碣，爲僧人支施生臺沈湮已久，敬身手剔出之，賦詩寓感，遂次其韻。
半碣猶存捨宅餘，寫經寮遠跡全疎。
象臺誰喚詩仙起，手剔青苔認佛書。

游南湖慧雲寺

昨夜西風減漲痕，荒坡流水接城根。
秋光都上綠荷葉，斜日晚花香寺門。

遊萬柳堂

益都馮相國別業，今爲拈花寺。

萬柳蕭疎冷翠陰謝公絲竹想登臨他時魚鳥忘機地別有
林泉曾遠心燕去不知春寂寂草生惟覺晝悄悄恒河照影
如彈指始悟拈花意獨深

孫健

字卓如號雙樹錢唐諸生著嶺雲集距餘集

碧溪詩話雙樹先生學書於城東鄭筠谷先生先生重其品敬禮之延課其子禮恭同里倡和者魏柳洲沈桐溪嚴古緣鐵橋沈排寸師沈玉屏施潛珍張東表陳雲諸諸君不可指數是時予與胡珩唐沈菊人皆在童年不敢比於授簡分箋之列然心豔之私相砥礪學爲詩蓋東城詩學之盛實是雙樹先生倡率之也

池州官署夜雨不寐偶成

孤燈襖被寄匡牀繞屋雷鳴正激揚偏有離愁侵肺腑絕無
歸夢到家鄉鼓聲隔院沈沈暗簷溜當堦細細長却憶年時
風雨候故園梅子薦新黃

梅雨

五月吳天正熟梅。斷雲含雨黯難開。幾番陌上沾青草。滿院
牆陰遍紫苔。飄處忽明江外日。霽時猶殷屋邊雷。陰晴莫問
前村路。劇喜伶仃屐齒來。

四十初度自壽

人稱強仕是今年。強乃誠然仕未然。且向康寧希壽考。不貪
富貴是神仙。五車妄意見能讀。一犬畱將女嫁牽。願等向平
心。又別行藏無著總由天。

謝遣親賓自舉觴。燈前勸影祝年長。富從道北常居阮。閒愛
漳南每就張。喜婦差能偕我儉。問兒誰解得吾狂。醉鄉雖小
堪雄長。冷笑青蓮在夜郎。

宿水樂寺呈桐溪

雨晴風細桂花天。折柬招余續舊緣。曳杖不期逢逸侶。倚簷

相與聽流泉狂探洞壑舉衣入醉借僧牀岸幘眠最愛主人
風雅甚山中畱客有詩篇

金衙莊看梅

狂夫非復舊狂夫來就寒梅相伴孤童掃徑便人曳屣花無
言似女當壚浮沈釣侶溪邊釣想像壺公市口壺世肖金張
都不問欲題勝境作東湖

徐夢元

字端木號徐邨錢唐諸生著珊瑚軒詩二卷

碧溪詩話端木為紫珊先生從子困於場屋歷遊吳門江右湘楚至三衢而終歸後閉門老於一橋之居予於戊子歲見所作酒旗詩心慕之迨卒後訪求遺稿久而不得今年春其門人許笠人屠漢聞以遺詩五冊乞選因加刪訂

釐為二卷

畜雞

我生時命多蹇艱家貧贏得身常閒年踰五十百不就每嘆

新肉生髀問今來吳閶頗健飯客窗無事愈習懶疎櫺日射
猶未起一首詩成又日晚主人食饌愁未充忽聞喔喔雞聲
雄我無越石起舞志愛渠德備毛羽豐因戒庖人莫烹炙爲
求稻糧治塒堞繞砌常教啄草蟲隔花還看捎飛蝶窮黎歲
餓慘滿前何暇微物謀生全治安無與南州事要使朝朝破
晏眠

妹婿沈偉人久客歸喜賦

乍見未及語頓令煩鬱空悲歡一時集涕泗兩人同招妹延
夫婿呼甥認乃翁開軒置杯酒且莫嘆飄蓬

尋金鼓洞

僧廚飽飯後雙屐踏斜陽野鳥引人聽好風吹我裳晴山分
樹綠春草學花香欲問棲真處平岡見短牆

登越城府山

細路盤空上危欄手自捫樓臺都到眼烟火各成村六月不知暑羣山獨此尊夕陽明似錦猶見霸圖存

淮陰侯

眼見分羹與戛羹漢高安足共功名悞於南鄭從蕭相悔向東齊殺酈生敵破不知功震主家亡猶說善提兵良禽擇木君何有慚愧田橫好弟兄

武侯

西魏東吳日戰塵臥龍臣節最清醇隆中出處猶三代漢後功名止一人摩畫廟堂無負主鞠躬社稷已忘身至今五丈原頭草吹徧東風總不春

于忠肅

碑碣荒涼野草熏葦忠遺事慘人聞誰將天子爲孤注獨念
蒼生建長君沙漠未歸勢碩畫乾坤重闢戮元勲春光不到
台峯則七尺高墳鎖暮雲

陶靖節

飄然栗里作遺民門巷初無車馬塵五斗功名還亂世一杯
天地自長春宅邊楊柳原臣晉洞裏桃花尙避秦誰料義熙
遷播後猶從甲子見完人

秋暮登丁仙閣

小閣巔岼倚石成芙蓉秋老露華清洞中許掾新雞犬雲裏
茅君舊弟兄日暮隔簾千嶂碧天高當檻一江平下方人語
喧城市歸去氛埃步步生

冬日卽事

山容漠漠嚴寒日江色昏昏欲雪時天際有家歸未得客中
無事睡相宜風高征鴈啼聲冷雲重歸鴉過影遲多謝南鄰
素心友晚攜醺醺到茅茨

歸家

簾底呼兒典珮環燈前爲我具杯盤長貧不識居家樂久別
方知見面歡小園新梅香正破中天明月影初圓高歌一曲
且沈醉莫管霜毛鬢似潘

木香

綠陰如蓋復如屏小朵叢叢擬素馨滿架露華春瑣碎一簾
晴日雪零星開多兒女寧知貴香重園扉未許扇不是眾芳
容易落茶蘼風過尙盈庭

香櫞

不屑纖同橘柚粧綠陰深護一團黃苞酣令露圓還重影挂
秋風綴愈香照眼規模金作質調羹滋味玉爲瓢美人更是
深憐惜綵纈高籠入繡牀

司馬相如

琴聲入夜不勝春歸去臨邛共食貧枉道長門悟明主白頭
哀怨是何人

明皇

蛾眉禍烈竟傾城馬首香羅未了情萬里淋鈴多少淚不知
幾滴爲蒼生

黃熟梅

入夏離離徧小園吳鹽如雪蘸精盤誰知黃閣調羹味却與
書生一樣酸

七夕

世間巧莫如耕織瓜果何須更乞天不信請看河漢畔牛耕

女織自年年

鷺鷥

高拳一足意蘧蘧只在垂楊水次居不獨山禽都羨爾侯門

還有客無魚

沈超字贊思號耕寸仁

碧溪詩話先生著稿序集
讀書天資穎敏家貧依人賈遊甌越金陵間二十三授
徒鼎湖荒村破屋人蹟罕到冥搜默討研求經義造典
陶情發為詩詞自得真趣先生屢試不利晚年益以詩
自娛甲戌秋購屋三楹為耕寸草堂時集同里魏柳洲
張九峯鐵橋沈開溪何春清暨及門三四人為培風詩
會妻葉夫人尤好客治酒肴無倦意庚辰復集諸君為
獨香吟會遠道屬和先生詩愈多癸未春文藻軒先生
稿遊江南為俯見悞稿甲申歲搜求賸
稿合賦詩詞抄為十二卷名稿餘集

橫塘訪友

夾岸垂垂楊柳齊
故人家住板橋西
客來不吠花陰犬
日暖惟聞向午雞

十里橫塘寒食酒
一溪春漲武陵花
風光相值不相賞
羞殺小樓吹笛家

施

榮

字紅亭
仁和人

碧溪詩話紅亭先生乃七帆先生子也年二十餘幕遊
江都後隨父任建陽遊粵東十二年歸不復出門孫甄
士爲吾文夫歲乙卯
始獲讀遺詩一過

烟

細練輕綃擬絕倫
橫波漠漠遠還生
吹殘幾點夕陽雨
飛破一聲溪鳥鳴
籠樹有情偏幕歷
遮山不斷更分明
最先曉月
征人見野店雞聲一縷晴

晚興

向晚白于晝開門立不歸樹頭風寂寂花底露微微獨鶴冷
隨我野雲飛上衣月華長似此作客未全非

金

淳

字勉農仁和人

號成憲曰按孫文瀾湖墅詩鈔云金淳字勉農別駕陸
飛彼飲齋詩稿內北墅三老詩有金趙農淳一首云河
豚有金文臨炊不言飢飄零走秦趙龍辭為歌詩晚脫
將軍幕少奉高士師往往談狗屠四座停酒卮嘗記彼
飲云金先生曾入某將軍幕未幾引退跡類唐六如郭
清狂之避寧庶人也先生嗜酒與金休田王茨檐陸筱
飲沈榕江詩酒相娛樂不問家人事後飲有
幾年詩酒共狂顛鄰曲無人不道仙之句

蔣貞女詩

里有蔣貞女幼字丁右文之子璞山璞山十九而殒
貞女誓不他適依父兄以老

足不踰三徑心難負一人暫依兄嫂住深念舅姑貧絕意除

環瑱關情到米薪有時還剪燭竟夕話艱辛

重渡渭水

花氣蝶飛晨林聲鳥喚春沙崩孤樹出岸削一峯真有客停
征騎無人理釣緡茫茫渭水一渡一愁人

丁卯姜桂東登賢書詩以賀之

猶記君先子棲遲瀟灑隈每逢南榜發長望北書來踴躍過
青歲歡娛到夜臺定知人子意醺酒倍生哀
機棹旋登軾長途詎免勞打篷南雪少撼壁北風高好句畱
長卷微痾付濁醪到時應不惜數字寄亭臯

紅葉

不信珊瑚琢不成白雲深處亂縱橫無人不作山花看有樹
多從海上生未必黃金能點染可憐青女太聰明霞標十丈

連天起盡驚峰前似赤城

無論烏柏與青楓不費燕支設色工
烈火燒殘鴉點點落霞烘斷鴈濛濛
比于三月花猶好翦出千枝彩或同惱
殺庭莎老無賴也勻顏色傲衰翁

過嚴陵釣臺

直將軒冕等泥塗占斷溪山入畫圖
天子不能官釣叟仙人只合壻狂奴
薜埋殘碣門常掩鴉亂空林日又晡
側想高風薦芳芷不知何處酒堪沽

笑隱南陽隱富春富春山色鬱嶙峋
雲臺勲業歸諸將大澤烟波老故人
豈必披裘能祚漢卽看斬木竟亡新
我來一事堪疑甚千尺岡頭下釣緇

癸卯花朝後一日月田先生招飲屬和早春臥病之作

卽事率成

嬾將白髮帶紅絲好句拈來不離禪
藥衰心情三徑雪梅花消息一溪烟
清泉淪茗畱僧話深院移鐙對鶴眠
七發不須重脫葉天教微疾警衰年

忽漫招尋一破顏白頭好在祇疎頑
舟移渭北前遊慣馬去陂西後會慳
薄后廟前鄉夢遠梅銷嶺外訟庭閒
南飛烏鵲西飛燕取次歸來話故山

筱飲有山左之行口占送別

可憐花發過清明風雨經旬別恨生
最是一盃婪尾酒送春歸又送君行

遠行不過二千里濶別料無三兩年
畢竟臨岐愁欲絕白頭二老淚潸然

曹

芝

字莖九號荔帷仁和貢生著洗句亭小石倉稿

杭州府志文苑附傳芝為汪師韓高弟學有根

底與里中諸老相倡和分茅設藹無所比附

丁龍泓印譜芝里印跋曰荔帷解得老夫篆刻無法之

法以詩來謝相應之速且要次韻云石章刻就石生輝絕

因如其請荔帷倡詩予次韻云石章刻就石生輝絕

似朱弦信手揮却笑解人干未一說難吾久是韓非

隨園詩話吾鄉文學曹芝字荔帷以好名貧

其家中年遠亡詩稿甚富宿隨園有詩見贈

小有天園雨中分韻

巖竇玲瓏繞曲廊行吟盡日雨浪浪湖雲不動如濃黛林靄
亂飛猶夕陽夜榻幾年曾共聽佛池一鉢試分嘗此時閉目
參公案待問家園梅子黃

秋日登南山亭

屏山幾疊弄秋姿又挂登臨杖一枝霜樹點成間筆墨禪堂
閒處古茅茨人移湖雨湖雲棹我有愁風愁水詩猶記前游

亭子在黛殘黃淺唱紅兒

余與同瞻峯登南山亭賦
秋柳詞忽忽十餘年矣

積雨初霽江硯農招集淨香園分韻

暖雲幾片散晴郊白版園扉許我敲
草上禊堂芳意滿水迎歌舫碧痕
交酒杯對景應須把吟履經春未
肯拋揀取翠情惜處坐檀藥新放
雨三梢

雨中飯古招賢寺同樊榭先生分韻

佛屋清涼蘆荻灣數珠白拂老僧
閒遠天何處鶴聲妙活水一池魚
影斑展鉢飽鶯鐘後飯閒簾冷看
雨中山明晨準擬將眠具占取山
房雲半間

弄珠樓題壁

閒逐馴鷗影蘆洲復蓼洲笠分千
樹雨槩劃半湖秋落葉散淒響亂
雲生晚愁野心無處著吟上水邊
樓

讓公山舫新成詩以落之分得秋字

道人結屋同牽舟一室真有江湖秋八窗祇許雲影入四壁
欲共松風流心空不礙成繫著俗遠豈與爭沈浮我來裹飢
且借佳大放眼界凌滄洲

黃

璫字西清號山民又號筠笑

江衡市曲茅堂集序畧曰山民之詩骨清而味腴真性
內含風情外朗少孤思再岑先生貌不得遂學畫畫以
神品壯歲自振厲為古文文如
其心為詩數十年得數萬首
鬼亭詩話黃山民詩清而腴耐人咀嚼如咏鶴云江邊
夢破逢坡老世外官清送趙公冬煖云一日有春先生
暖好風如酒不吹寒錢唐懷古云三日波濤
非宋有百年興廢自天教教字押得尤新警

河清

河清周圍水人家不種田魚蝦覓生事茶筍作豐年遠近迷
無路東西趁有船此鄉風俗美歸臥恐無緣

新蠶豆

入夏新杵鄉味誇也隨櫻筍說年華邵王墳畔南屏路曾看
連脰水墨花

訪王三丈

本山居

繫艇從湖岸柴門老樹陰片雲纔過雨一徑入花深泉石餘
清話茅堂見素心何曾買山隱閒處卽開襟

大塢尖

白雲世外路我亦打包僧十里走健屐一峯支瘦藤午殮香
積飯夜影竹房燈喜對瞿曇坐同參最上乘

寄懷族兄

璩

自是別來久年華愁遠行得歸貧亦好隨俗事何成秋樹夕
陽路黃花白髮兄在家終勝我泉石况多情

丹陽舟中作

輕舟三百里夜火過丹陽七十二流水一齊歸練塘詩情同
月冷客夢與途長驅力任飄轉東風趁半檣

辛酉人日集飲樹蕙吟齋

數過牛羊說及人好晴天爲作靈辰打頭花意在老樹逆鼻
酒香來早春就是隔年閒世界却逢新歲舊比鄰題詩更祝
明朝穀一醉江鄉未覺貧

曉起

童子開門天忽明小園樹上起雞聲心空萬念見真意人老
一峯疎世情紅藕香凝秋露濕綠筠雨洗曉風清今朝準擬
閒無事去與鄰翁話早晴

王承祖

字述先號古鐵錢唐人
丹林集卷之六

吳頴芳石蘭堂集序畧曰

國初吾杭諸子多沿雲間歷下詩派獨湯少宰西崖語拔流俗清華超逸足名大家宦京師時故鄉能詩諸朝彥咸與之酬和而王中書亦好先生為其冠令嗣竹所先生以清才被薦供奉

內廷

賜食館俸吾友古鐵卽竹所先生之子也承其家學敦古絕俗初寓津門卽詩名噪於北繼為兩粵閩海之遊卽詩名噪於南及其歸也月堂兩楹山庵湖舫之招每與素心人角勝壘場無敢撓其鋒者其詩風骨遒健調高氣清位置於古作者時流遠有所不能及唯是詩益上品益潔而貧益甚晨炊不舉常人有難堪而君方以飢療其腸胃寒堅其骨幹仰屋著書矻矻不休興至而吟春和鳥聲秋苔蟲響而左顧孺人右撫二子朝水一甌夕康一盞一家安其貧天倫之和願今攜稚列俱之家無此樂也

送西嶺之福州

風前歌折柳相顧意茫然行跡幾時定詩名到處傳愁邊新歲月望裏好山川書遠憑誰寄帆抽荔子船

秋日查蓮坡招飲水西莊

風聲入樹急疑雨雲影隔簾遙似山境好欲生三宿戀年來
難得一身閒

聲礪聲中骨脫蛇龍聯影裏尾銜鴉果然人力爭天力棲歛
猶開晚稻花

食符

春雷一聲驚蟄龍兒孫頭角掀土鬆銀刀快斫看濺濺錦襖
乍脫憐重重泉甘釜潔供晚食山川清氣瀉胸臆惜哉介節
不養成雲隔烟坡應減色

柬諸來青

經旬不見諸生面料得深居影伴身壯歲天公閑我輩一編
詩句擬前人家儘水竹應多味心鄙錢刀自合貧秋暑漸闌
堪信脚高談莫厭往來頻

食譜

口腹愁累人吾貧滋味薄菰菌葵蔣蓼蔥韭藜藿因時取
飢盤隨意恣大嚼微情所尤嗜嫋嫋尊絲弱湖波春正肥小
艇蕩還泊舟人出瓦釜采蘋縱歡噉人手忽脫手沿流活難
攫攜歸漉清泉要及涎未涸烹先珍雉尾煎不數羊酪最喜
滑流匙還看翠浮錢當殮呼婢妾小竈可時索劇憐萬錢廚
肥芋填慾壑不知一飽後寧辨精與惡斯理本易明吾言洵
非謬點羹下鹽豉方法古堪酌客至亦足供相期歸儉約

遣兒子宜穀之泰州

三年吾抱疾憐爾久飢寒乞米知難繼投入與好看關山雖
不遠舟楫願多安去去無他囑浮生生理難

火伴催同發臨行淚暗垂汝懷應善遣吾病尙能支近海羣

商聚牽江巨艦隨到時應得便休遣報書遲

仙霞嶺

西風吹細雨送我山中行
盤輿冒深翠虛壑嵐濤生
修簣夾磴道古木還交橫
迴盤徑欲盡仰見蒼崖傾
躋攀覓往路暗澗沙中鳴
尋聲屐紆折藤葛頻牽縈
崇關忽在望睥睨高崢嶸
想當草昧初巨莽藏颺颺
啼炮復囂雨白日無光晶
悄然心魂悸拔劍誰敢偵
時青天失險蛇龍捲麾旌
岩花饒媚色野鳥多和聲
擔囊不須戒穩趨東西程
俯仰異今昔足慰行旅情

觀鮑以文所藏文丞相草書尺牘

公二女環娘柳娘散失兵間環娘不知死

生柳娘依乳媼徐西敵營書蓋爲此作并及軍事

朔氣高凝宋社屋丞相義旗猶自卓一旅思將天地爭六庚

難使山河復空坑。遺後身遠。竄機攘干戈。分骨肉。盈盈閨雅。
十齡餘翠眉紅頰。珍雙玉寶劍交揮。瑩鶯鶯繡衣片裂。飛羅
縠烟昏塵暗。敵營陷。鴉鬢低垂。看影哭存亡。消息兩遙傳。丞
相含辛親草牘。不知高義竟何人。書缺首數行其人惜不傳聊將存
者囑倉忙。軍事猶未忘。醜縷衷言俱可讀。墨痕黯淡紙色古。
跡矯龍蛇應寶蓄。鮑君得之。最異錦展示明窗。肅心目。兵燹
頻經劫。獨留鬼神永護光。常煌當年蹂躪劇。堪哀萬里中原
何慘黷。

曲尺村同吳西林翟晴江賦分得村字

吳君棲隱地。繚曲殊他村。隨地各築室。面勢互闢門。迤東里
才盡轉。北巷還存花竹過。南茂桑麻折。西繁石橋跨。流水灣
環進。漁輪微微草間徑。有若修蛇蜿蜒植。援護雞鳴縈帶籬。與

蕭過客愁出入空認齒痕意行往而復恍惚難具言愛此
紆且遂足以絕趨奔我情多坦直知不利孤鶩何如來此住
庶免時俗喧

春曉同蔡潛川高伯陽泛舟花神廟尋岳湘亭訂櫻筍
之會

才露清光便出遊午餘同泛總宜舟柳條風動帽簷拂花氣
日熏衣上浮要看青春幾日盡莫慳杯酒百分酬錦苞紅顚
時新味試問良朋許會不

七月十六日兒子宜穀之閩詩以送之

昔衰怯行邁汝壯合經營幸有殊方友猶敦古處情江船尋
遠伴村學散諸生去去休垂淚全家藉此行

喜得兒子書

柴門方獨立有客問吾家忽得東溟信能開老眼花裝輕身
不累俗異飢能加川陸秋俱爽渾忘道里賒

復道新知厚能令遠客安一尊勞契濶數口念艱難許為謀
生計先畱度歲寒汝曹何以報知亦有心肝

魏之琇

字玉橫號柳洲錢唐人著嶺雲詩鈔柳洲遺詩

嶺雲詩鈔自序畱曰余幼而孤貧長益落拓以手業自
給幾二十年矣居恒好為韻語以自娛甲戌歲獲交鮑
子以文以文工詩而富于書每商畱前人與余見多合
而尤愛余詩却余實未嘗學問任意為之夫好為而寡
學者病也余又粗知醫而不能自療其病茲
以文之梓余詩始欲示善醫者以療之乎
碧谿詩話柳洲少孤貧嘗就業于瓶窑鎮質庫中晝則
理質務夜密置燈幃帳讀書由是力學工詩鮑綠飲為
刻其嶺雲詩鈔集中有落花詩五十首傳誦一時吳殿
撰雲巖亟賞之延之粵東學使院晚年以醫自給手輯
續名醫類案五十卷嗜飲苦吟初病黃疸繼病怔忡形
色槁而興不衰卒後友人陳貴卜葬于西湖青龍山題
石曰錢塘詩人魏柳洲之墓而類案一書予為錄副呈
之書局

欽定四庫全書得選著錄於
是柳洲可以不朽矣

蘆花

寒汀極浦雪綿綿拂岸縈波送遠天
千頃夕陽茅舍外十分秋色板橋邊
涼風漸瀝吹明月細雨溟濛濕亂烟
遙亮一聲何處笛夜燈紅出釣魚船

春日湖隄

何處東風好逗遛柳邊遲日聽鉤輈
草香引客尋詩路山色隨人上酒樓
浮白早謀今日醉踏青還記昔年游
誰家畫舫桃花外滿載笙歌盪鴨頭

夕陽和鮑以文

依依脉脉下平蕪啼煞江南舊鷓鴣
殘角沈沈開古壘片帆明滅淡重湖
無端草樹含情思一半樓臺入畫圖
安得詩如

摩詰手寫將烟景待重摹

題嚴力菴畫西溪探梅圖

郡城西去三十里萬樹梅花一溪水日出烟消不見人人家
隱約梅花裏東風幾日吹林薄茅舍板橋春漠漠娟如靜女
倚修竹瘦若癯仙臥寒壑陂塘寂寂花惜惜清溪彷彿桃源
深了無塵埃汚履迹時有鴈鴨驚鵝音天憐此境太幽絕特
倩我曹爲搜抉載酒農衝古渡烟尋詩塢踏荒林雪輕舟盪
晴花正開入花漸深迷路迴月明疎影掠蓬過風起暗香隨
權來十年無復經河渚回首同游半今古重來水墨意茫然
始覺嚴生用心苦

葺敝廬竟同人以詩見貽有作

荒涼老屋破不治歲久側向東南欹檐頽那禁朔雪壓柱折

更受西風吹比鄰愁傾素睥睨傍舍畏覆先遷移我云牽蘿
尚可補人謂一木將難支蟲蠹蟻穿旣朽敗烟熏雨漏尤離
披沈吟幾欲棄此去仰顧詎忍先人遺平生不作百年計對
境獨抱千秋思東觀吾宗漫入畫少陵野老誰寄貲支吾自
應費竹木塗墍未免煩工師友朋廻轍倒囊橐妻子輟炊留
屢夢盡典衣裳賣書籍猶賒鹽米乞醬飴經營半月乃斷手
灑埽數日聊開眉瓦松和霜削青翠庭草帶露除蔓滋拂塵
梁間墮燕壘懸箔戶外收蛛絲夜讀且休鑿壁念春眠纔免
排牆危小人求安固所恥君子慮患寧非宜萬間廣庇空有
志一室埽除從見唾劇憐虛室木生白便有大手來題詩

病疽戲作呈鮑以文

柳洲居士食無肉食苟要待將成竹鳩形自與鶴爭瘦菜色

由來蛙比綠唯餘濁醪不可無日
調離騷醉幾壺不令渴羌
受轡勒時聽枯腸鳴轆轤豈虞快意逢軻轅濕熱侵淫作黃
疸未能學佛聊學禪初祖金容壯觀覽新舊時勞致問頻勸
余藥裹搜茵陳笑而不答心自了地下未要窮詩人綠飲先
生獨殊眾酒錢日日還相送夜間藏神來入夢尙有黃蘗三
百瓿

龍泓訪舊圖爲沈振飛作

沙平水落溪有痕雲浮石動山無根幽人杖履有詩意石徑
窈窕通松門家江風景九十月紅映滿山霜葉翻夕陽采翠
照絕壑秋色明淨連高原彈琴煮茗茅屋底有老遲客開晴
軒趺然足音叩門至童子側耳雞犬喧故人久住南山下數
載不見勞心魂披圖忽覩訪舊作恍惚重到烟霞村天寒日

短人事迫歲晏未必能攀援開年有約定不爽好劇筍蕨羅
清尊

萬年藤杖歌壽吳西林爲天台許君所贈

天台古藤名萬年結根應在羲皇前
鮫鮓皮皴瘦筋裹刮磨柔韌勻輕堅
遠游濟勝自有具采掇踏破層崖烟
臨江處士方杖國寄與便作登攀緣
路逢劉阮奪不得一莖竟落明湖天
老人自來腰脚健得之更如弓著弦
兩峯重消幾緇屐六橋不藉雙槳船
有時臥倚北窗下猶帶赤城霞氣鮮
平生校書亦已夥不用太乙青藜然
題詩衆欲逐韓杜桃竹赤藤相後先
春入梅花見高格撥雲定向孤山巔
紅亭風暖搖酒帘此日正需懸百錢

題王逸先隱居

我愛王夫子幽棲東郭開開門向秋草倚杖對寒山偶爲論文至剛逢沽酒還晚來相送處展印薜花斑

南屏秋禊

紅藕花邊艇子開白鷗陪我過湖來好山好水竹枝曲涼露涼風蓮葉杯令節招攜宜選勝清秋鵬望試登臺翠屏他日題名在合讓羣公擅賦才

鄭弗人自吳門返權將還四明兼寄蘇昆璠

片帆纔卸鯉魚風又欲乘潮渡浙東新月晚生漁浦荻蘆山秋老沃洲楓五湖白鴈隨狂客三徑黃花待寓公想到南谿正重九一尊還與故人同

西湖嬉春曲

寒食年時風雨多隋青今日喜陽和碧山三面向人笑黃鳥

一聲迎客歌

繫船須繫段橋邊
看花須看岳墳前
段家橋邊柳無數
岳王墳前花可憐

西湖竹枝詞

巾子峯前水磨頭
上塘水向下塘流
上塘船載歌舞樂
下塘船載別離愁

送嚴敏中力菴昆季之閩

伯仲才名世所稀
聯珠並價有光輝
新年竹葉傾人日
遠道梅花點客衣
黎嶺雲開雙鴈度
延津水濶二龍飛
故人臨別偏惆悵
臥病東臯獨掩扉

春晚同人湖上追悼孫卓如

十載明湖憶共游
碧山扶翠狎盟鷗
梨雲荏苒清塵遠
柳雪

迷漫白髮稠泉下故人嗟雨絕座中高弟緬風流餘生未得償吟債賸結青山一種愁

集李澄齋草堂賦得一灣秋水

抱郭溶溶漾碧鮮半塘橫展白鷗天平橋幾日添梅雨拍岸多時蘸柳烟斜照晚沈沽酒旆落霞晴襯釣魚船浮家不用尋茗雪別占臯亭號水仙

送鄭黥衣還四明

把酒臨江興可乘片帆斜日捲西興鴈聲夏盡湖名先歸棹漁

火蕭然山名亂客燈十月芙蓉如靚女三冬楊柳似閒僧知君

一路吟紅葉早寄南溪數幅藤

陳

撰

字楞山號玉几鄞縣監生僑居錢唐乾隆丙辰薦舉博學鴻詞著玉几山房吟卷

詞科掌錄錢唐陳撰楞山自號野人初有繼鍊集秋盛擬古諸刻壯歲以來客於簾微長年不歸意思蕭澹屏

兩浙輞軒錄

卷二十四

陳撰

垂

絕人事詩意冲逸高簡乾隆丙辰徵舉博學鴻詞通政

朝辭不赴有

謝啟極工

程鳴曰楞山修行讀書廖然古處厭棄荒谷如驚絃之

言亦復成削簡別固已掩抑推藏嵇心羊體冷冷清清

徧七絃而沈萬木繡缺一集篇什雖僅足以徵其微詣

之所

在矣

梧門詩話徵士陳撰字楞山又號玉几生家錢唐有玉

几山房蓄書畫最富精賞鑑初有繡缺集秋吟擬古諸

刻客儀徵長年不歸意思蕭灑屏絕人事詩格冲逸高

簡古蕩歸途云日暮東風急蕭灑屏絕人事詩格冲逸高

雲濕帶林昏野水喧漁艇人家掩竹門遙隣折梅

處回首更西村玉几生工畫其詩不翅有聲畫矣

陳鴻壽曰玉几先生王畫著

墨不多脩然自遠得者寶之

朱文藻曰謹案陳玉几詩集三卷載入

四庫全書別集存目稱陳撰以書畫遊江淮間窮愁寡

合故其詩多凄斷怨咽之音是編刻於康熙丙申蓋其

中年所作首日繡缺集一卷次曰玉几山房吟一卷次

曰玉几山房擬古詩一卷皆戛戛獨造如其為人雖未

及古要能離俗惟擬古詩中多敲磨流評語仍沿明末

山人之
習耳

擬古

少小不自揆昔賢謂可過
眴陳狹窮壤意氣凌山河
白日不可挽壯志空蹉跎
囊中資用竭一身尙苦多
悵焉獨歸來浩歎成悲歌

芙蓉揚清芬的皪長川湄
丹華耀朱火綠莖緣文漪
佳人曠千載採摘無由期
白日暖將夕芳心空自持

黃鳥集柔桑白駒逝空谷
豈不慕言旋進退苦無告
作客每畏人投足多蹉跎
已無邱園存十畝何由築
白雲時時飛煩紆亂心曲
葳草不可樹汎此杯中綠

撫枕怨遙夜振衣步中林
涼月皎素輝照我松間琴
佳人不可觀山川阻遐深
願因西飛羽遠致瑤華音
雲路無由階引

領傷我心

我心苟有得榮悴可自主何爲競趨好委權與童豎誰能挽
海水去作天上雨斯已而已矣不見采芝侶

昔聞彭澤老耽醉未能醒折腰恥俗吏歸來臥柴扃茅檐秋
日高朗誦山海經悠然觀物化坐對南山青我行一何有于
世空沈冥遺暮今已矣太息增撫膺

世俗拘耳聒羣和失其真不知天下才有時還賤貧槃澗倘
終老身沒名亦湮哲人恥浮慕遠與太古隣神交豈象台心
往道彌親泥塗苟自得軒冕寧足珍

市門競錐刀志士爭懷抱誠使中心安此外均草草貧賤顧
有分簪裾何足道松柏本不凋何知春風好

勞生何時已早夜殊悄悄一朝魂魄離賢聖復何用銘旌指

荒郊喪輿遂相控親戚空追隨哭泣徒悲慟萬古一棺灰生人遞相送

雨雪謠

風刮地雪滿塗路者何黔之驢皞者何赤匪狐行僬僬走擔夫室嗷嗷攘婦姑足無屏身無襦黃米玉白米珠十家哭九家呼莫呼又莫哭雨雪睨睨陽春復天寧寺裏賑官粥

古蕩歸途

日暮東風急歸途雨正繁泥深黏屐重雲濕帶林昏野水喧漁艇人家掩竹門遙憐折梅處回首更西村

冬夜

寒藥小燄燼紅金散澹情懷寂寞尋一卷殘書開闔看數竿風竹短長吟已教老辨中邊味未便禪空愛染心我欲搖琴

破蕭瑟無絃何處覓知音

聞蛩

不寐夜聞蛩淒淒四壁空疎燈人醉後細雨客愁中失路依
衰草長吟向暗風壯心殊突兀爲爾感飄蓬

甲午除夕

天地身仍客風霜影自憐艱難逢歲盡愁病入新年失路從
飄泊懷人有醉眠長飢近亦得不擬送窮篇

十五夜坐月寄松門真州

對明月明月廣陵春昨宵二七今三五此夜三分已二分惟
我殘燈焰凝紫惟我軒窗淨如水迢迢玉宇露華流淒戾金
風飄素秋乍穿庭樹勞纒絕移入疎櫺更宛轉可憐宛轉最
多情可惜團圓看不成夾城簫鼓填哀咽散作荒涼故苑聲

已教露草凋紅色驚斷寒蛩啼抑勒那能千里共嬋娟惱亂
江南未歸客去年江上弄情暉前歲芒屨踏省闈此日天涯
歎流落有誰門外喚披衣

春盡

爲貧常作客春盡未還家故國重回首江城正落花屯雲依
樹斷深柳趁風斜寂寞年時意勞勞空歲華

送鄭季雅

冷江憐獨臥春草看還生媿我未能去對君空復情青燈安
寂寞白眼任縱橫莫鼓齊門鉞悲歌總未平

答孫于畫

病入清秋瘦不支敢因搖落竟深悲黃金買駿原求骨綠鬃
逢人且斂眉扼腕未須傷往事閉門真覺愧情時何當學取

河邊叟自擁羊裘理釣絲

經舊酒家

小市紅燈憶昔游
短衣側帽劇風流
錢郎已去王郎死
忍過樊川舊酒樓

寒食前五日蓉槎招同諸子泛舟紅橋

按謠畫板檀雙拍
賣酒青旗竹半叉
放艇石橋南畔去
傍籬吹盡野梅花

食新

彈指流年過供盤
香稻新可堪還素
食辜負此閒身
歲月悲歌客天
涯去住人自憐
無一是未敢欺
勞薪

柳枝

酒籌歌板記當年
乙乙長條接短筵
夢裏段橋南去路
曉風

殘月有誰憐

陳士璠

字魯章號晉齋晚號泉亭錢塘人乾隆丙辰舉博學鴻詞授廣吉士官瑞州知府著夢碧軒詩鈔十

卷文鈔

十卷

陳鴻壽曰先大父以增廣生舉大科入詞館改戶曹典

試蜀中得士稱盛出守瑞州持躬廉介莅政和平詳杭

革浦編修所撰誌銘任戶部時大學士公某以素精歧

黃召之曰吾知為郭官不知為醫竟不往以是十年不

得遷後某公事敗始出為郡守所為詩早年追蹤漢魏

步趨三唐晚乃出入白蘇黃陸陶治性靈謹守繩墨直

抒胸臆而氣骨自適

隨園詩話同試鴻博陳魯章士璠杭州人以諸生中式

卽授庶常途中紀事云月映湖光分外明蘆花影裏一

舟橫夜深聞有鐃音在曉起開筵問姓名又嘗夢人贈

句云路迴碧落三千里筆端銀河十二時醒殊不解後

守端州郡解後有碧落山江右去京師

恰三千里惟銀河句不知後有驗否

稼堂學使試事既竣過署小飲

吏散庭間日漸晡忽來騶從罷傳呼居然弟子忘星使莫笑

先生似堊夫桃李新陰還羨爾鷓鴣舊侶可慚吾盤殮此夕
無多設頗似江鄉風味無

寒食官舍書懷

玉蘭花發柳條齊蛙鼓初喧鶯亂啼槐火石泉真似夢粥香
餳白不須題禁烟此地風猶古蹠草何人路欲迷麥飯一盂
無可薦那堪回首問西溪

山行

紆曲疑無路蒼茫別有天橋欹藤蔓絡磴斷草痕連啼鳥破
山雨落花香澗泉風塵慚俗吏徙倚暮雲邊

蜀江舟中

順流直下瑞陽城盪槩橫溪自在行楊柳如煙春似夢落花
時節近清明

丙子秋病作請假旋里留別四首

莫言投老一身輕
示疾維摩太瘦生
繞砌乍驚蛩唧唧
捲簾不耐雨盈盈
屏除案牘心初淨
觸撥溪山夢亦清
笑語妻孥歸計好
石田底事不堪耕

羸驂幾載倦驅馳
仍似鷦鷯借一枝
敢謂文章能報國
祇慚經濟乏匡時
江潭露冷三秋柳
京雒塵添兩鬢絲
舊夢尋來真惻怛
銀河滌筆費沉思

厚祿虛糜石二千
此邦父老意纒絲
已知買犢耕春隴
曾爲論文講筵惜
別應揮兩行淚
贈行漫選一文錢
上官頗亦憐窮吏
慰勞頻來錦字賸

寂歷虛堂久殢淫
長途其柰薄寒侵
累人琴鶴猶長物
待客鶯花是素心
祖父尙期謀寸土
兒孫何必有簞金
江鄉幸駐

桑榆景日自新詩自在吟

陳

唐

字希馮又字雲川嘉善人著青芝山房集

沈心慕志銘譽曰君生千考山後迨長追痛終其身衣布素帽不飾紅纓當暑每露頂款客少時會庭童試後絕進取志專心學古性好佳山水移家鄧尉山中瓦屋數椽梅花百十樹間居奉母怡然自得自號青芝山人

石壁精舍

異境高僧闢蒼松峭石間牆頭太湖水窗裏洞庭山夜梵龍潛聽晨鐘鶴自還功成人已去寂寞贍孱顏

自香雪海由長旂嶺至元墓山聖恩寺

逶迤盡平坦一嶺度羊腸雪浪辭梅海香燈啟道場煙霞千佛古形勝萬峯長清磬泠然遠畱人到夕陽

宿白衲菴綠筠閣讀壁間僧德西詩

招提開別徑竹樹繞巖扉雲氣窗前合泉聲檻外飛山空清

磬寂秋冷暮蟬稀吟罷高僧句諸天夕照微

顧

光

字彥青號野翁又號涑園仁和人乾隆戊午

朱電傳畧曰先生所居在城東河則敝屋數椽顏曰河

天子

第縱遊閭越其能官者先生名與焉遂令清豐盡心賑

務全活無算以上三帖子於制府問亭方公言河道事定

北軍行先生以急裝謁大京兆繩庵星齋兩公兩公命

和送軍詩先生援筆立成兩公皆大喜歲庚辰計典行

以卓異陞安順府郎岱同知地在萬山中富漁黔孔道

民苗雜處先生治之朝割煦嫗寬猛得所獲苗賊強劫

者十八人悉置之法民以大安知廣州府廣州為粵東

首郡屬縣十四地大事繁先生心知俱瘁引疾去粵中

人上繪沈香浦圖以贈作詩歌畱別者數百人十三行

大西夷人聞者皆為太息既歸授徒自給長吏延至紫

陽別墅講授事著錄弟子多知名人先生詩已刊行其

他書皆藏于家

吳錫麒橋頌堂集序畧曰涑園先生以詩鳴者垂六十

年輩偶淪但芳風獨弱炯然若長明之燈歸然為靈光

之殿錫麒早侍高筵得窺峻目其時同里黃相圃姚春

澍黃玉階諸人相約為琴臺之課實皆就正於先生焉

先生幼勤枕席早舉孝廉淡泊乎聲利之緣流連乎山水之趣北轅乍歇南帆更張租江山之船沂桐廬而上榕樹城邊小住荔支鄉裏初來百里牽絲千夫爲吏始典城於畿輔旋領郡於東南津注之河盧龍之塞夜郎之舊國尉陀之故臺雁戶嗷農猿程唱夕絃歌爲理縣之譜篇什代居民之書解組飄然數椽卜築擊鉢垂琴之侶諮禪問慧之徒時雜仙心間參元解一篇跳出萬籟爭鳴應宮應商可登之樂府以前以雅如對平古人冰鮮行

玉河水凝吹霜風鑿冰夜叩馮夷宮呂師竭澤獻王鮪哉流一網纖鱗紅誰憐白小亦羣命雪融冰結交連箔包茅飛騰里二百離紅及膾晨餐充五侯之鯖尙珍異食單未許郇公工紫駝紅羊出蕃外萬錢一箸愁盤空有時銀絲作羹品滄泊欲擬山家翁味腴香細弱無骨毫以玉筍黃芽菰綠天臚事絳炬籠磁盆早出唐花烘橘香泉酒蠟紙蒙琉璃深杯百罰終庖人行羹置當中銀碗盛雪若虛盥舉匙一叩心氣融

洗盞更酌飲長虹是時客子未座從持杯不飲心忡忡人生
豐約原不同二七雛菜庾郎窮

下閘

一閘復一閘今年船過去年臘十句閘淺不得行夜半疏漸
互撞儘典衣守得春風迴雪消水灑清河隈官符火急昨日
下啓版速令糧艘開前船後船銜尾過一船疾下橫衝破浪
花堆裏出船頭千夫岸上齊聲和急湍已斷波漸平修船酌
酒鎮餘驚長年爾莫大懽喜明日天如閘上行

寄懷周迴川

夫君不可見歲晚意如何燕市酒徒盡候門竿客多離情對
芳草詩思託微波亦有歸興歎無因渡潞河

落日泉州道西風惜別途愁心易搖蕩木葉下江湖客裏栽

紅豆人來話白鳥把君行卷好珍重阮元瑜

桃枝詞

竹枝詞於樂府雜曲外別具音調後人繼作有柳枝
橘枝諸詞可謂各極妍妙矣余乃別作桃枝詞欲以
嗣響前哲世有老鐵諸公當不令余么絃獨奏也

湖裏鴛鴦水自香小青墳上蹋春陽桃花未向東風笑已有
行人爲斷腸

春草青青新婦磯水仙祠下鷺鷥飛郎船空載春歸去不待
桃花結子歸

昨日中酒今日遊日日醉歸湖上頭美人到底不經老桃花
到底不經秋

吳中阿娘工刺船獨來渡口與門前柳枝唱罷竹枝唱若唱

桃枝更可憐

輓查丈蓮坡

豪士扶風未肯授愛閒不復老林園河間好事成前劫鄴下
風流盡此尊絲竹中年同輩在文章別錄幾家存猶餘嗚咽
桑乾水長浸青青墓草痕

哭周徵君穆門

文章自是別愁多板拍清詞可柰何閒日湖山看不足斷絃
零落雪兒歌

清時縫掖總能儒獨行真成近代無誰與襄陽傳耆舊鹿門
耕作有人俱

宛陵詩格未全諳擬傍元關靜裏探最是閒人天亦忌不留
詩老在江南

淵

恭

字方周號格堂烏程監生著閩亭小稿

吳士堅傳畧曰公好讀書崇樸實不求進取好集名賢手蹟藏有楊忠愍鹿忠節諸遺墨時時展玩興到隨意吟咏

看兒子純畫蓬島圖

豈將繪事望成名游藝何妨見性情此事亦看前輩在苦心
元與古人爭能添老樹聰明到愛說煙雲供養清可當萊衣
娛我老來胡扶杖看蓬瀛

溫崧曾

字儕嶽號雲坡烏程人乾隆甲子舉人官洛川知縣

晚晴

雨餘天欲暮四望野原通薄霧朦朧碧餘霞片段紅水平微
有態山遠淡浮空叱犢斜陽裏徘徊一笛風

張雲鶴

字紫田號抱山海鹽人著抱山詩鈔

洪受豐行狀畧曰先生慕林和靖爲人不慕榮仕終身
不娶自入以琴自隨工書畫尤選於詩前邑宰舒雲亭
先生亟加賞識序而付諸梓今所傳抱山詩鈔是也張
氏爲海鹽巨族自給事諱惟赤而下代躋仕版先生獨
無意進取
以自高云

制置

中歲不娶妻頽齡寧有子譬夫嶧陽桐特立無與比生理有
時盡百年旦暮耳長於山澤間死恐親螻蟻伐木斲爲棺漚
漆塗表裏棺成手自題聊以志姓氏敢希陶靖節庶幾林處
士正如將歸客晨興戒行李遄征豈辭勞緩駕固所喜清風
廊我懷明月招爲侶優游泉石間終當以樂死

同洪冷齋天眷又韓崑圃滄嶼諸昆弟縱飲古墓間

落日懸青松春風吹白楊不知誰氏墓爲我歡樂場開襟坐
碧草挾瑟調清商酣歌弗覺暮暢飲那論觴富貴有定命何

苦日奔忙神仙亦虛妄駐世豈久常生前不快意死後徒悲傷痛彼泉下人骨朽已千霜

甲辰觀潮日梁若山偕諸弟子張樂於白楊湖畔余以素琴先之當時聽者咸稱妙絕忽忽垂二十年矣若山下世余髮盡白因感而賦

觀濤客散暮山青拂拭瑤琴坐草亭兩岸垂楊維畫舫一時停瓊月中聽

紅毛酒盡綠螺乾玉笛銀箏曲未殘今夕迴欄重徙倚荻花風急晚潮寒

九日偕冷齋過宜振堂同孟博無競賦

清風瑟瑟露泠泠訪舊從君一叩扃孤客獨吟頭蚤白故人相對眼猶青窗含竹影棋聲冷階轉花陰酒力醒惆悵明年

當此日不知何地著浮萍

王元啓

字朱賢號惺齋嘉興人乾隆辛未進士官將樂知縣著祇平居士集

翁方綱墓誌銘畧曰先生幼卽有志聖賢之學不爲時俗文字縶墓誌銘畧曰先生幼卽有志聖賢之學不爲時而罷前後三十年間十主書院所成就之士著顯者數千百人爲學以宋五子爲宗說經尤精于易爲文一本韓子撰讀韓記疑十卷周易四書講義史記漢書韓非子孫可之歐曾王文集及錢文子補漢兵志諸書校正評註凡若干卷惺齋論文勾股九章論祇平居士文集恭壽堂家訓若干卷既病革猶補註周易下經及校勘韓集易至旣濟止韓集則易贊前一日猶命子尙繩改定順宗實錄記疑條中二字蓋其貫天人古今之精力畢世以之

題杜太守

甲

知通州日釐正祀典罷權油酒雜稅二文

稿後二首

醫宗祀先達後學所矜倣奈何從賊臣妄使玷鄉校

時魏藻德監廟

賢杜公領通牧志在維風教念茲關勸懲僭差不容稍直筆

同所翁年衆

卷二十四 王元啓

三

彰信史詎任彌縫巧錚錚數百言震耳若驚爆網常一以明
渠主旋毀橈諫彼既死魂足使人心校死亦豈足誅維用勸
忠孝

關征暨壓稅

國賦自有常誅求逮負販奉法殊未臧公心切民隱疾痛如
身嘗作書告大吏陳義何慨慷飛章達

宸聰

恩詔來天闕歡聲動衢巷共拜

聖澤長乃知

盛明代選吏須循良德澤不下究吏實乖其方公恩廣且永
潞水同汪洋

古林禪室

一徑疎籬帶落花苔痕踏破野人家甘蕉過雨分窗潤稚竹
迎風入檻斜玉呀溪藤摹舊帖綠沈斂碗品新茶無端生計
頻爲客拚向青門學種瓜

陳

鎬字存和一作存吾號摩邨海寧副

沈廷芳觀復堂詩外序畧曰余蚤聞摩邨詩名未得識
面歲戊申余遊太學摩邨亦鼓篋橋門踰年秋闈同落
罷一夕過摩邨古藤書屋曰此先輩朱老著書所也盍
相與秉燭賦詩因沽酒百觚飲未盡爵而韻已就時夜
將半吟聲出戶外枯藤宿鳥皆戛戛驚起既臥覺寒甚
共攬敝裘以蓋布衾達旦余別去又數年過吳趨舅氏
家摩邨方續裴韋之樂相遇相勞兼見余從風雨中來
爲解施榻就金粟香邊酌酒相勞兼以絕句見贈

沈三椒園由宏詞科入翰林賀之以詩

等閒三載重科名如此科名更可驚大典百年惟再舉羣公
一戰竟齊盟鼎鼐色重非時翫鐘虞聲宏必大鳴詞筆縱橫
風格換中朝誰不重登瀛

卯君師伯兩叔邀集湖舫奉呈長句

誰與湖山作主人征衣竟洗十年塵
旗亭幾醉長安市畫舫重遊故國春
眼底浮沉看梵剎世間榮落問花神
竹林勝事追陪慣莫謂樽前少一賓

時同遊者六人

粵西有左右二江余在粵七年由桂林調慶遠之河池
往來並在右江頃已辭粵北行舟中檢閱舊稿合古今
體詩約百首題曰右江集復成二律並寄簪翁

曾無政化及蠻天敢以哦松擬昔賢
分駐謬稱司馬後游程僅愿右江邊
賸出藁本參差見好趁舟行次第編
不是風塵親吏事陰篇應有解人傳

小住應官有底忙坐令視北席全荒

住桂林八角

樽前得句情如

舊刪後無詩語未狂涼夜難燈通斥堠秋風鼓棹渡瀟湘吟

成爲報東陽叟但有新詞早寄將

胡樹枏

字藹谷號恬庵秀水人嘉興府學諸生乾隆丙辰薦舉孝廉方正

錢塘江送別夔望六兄之麗水學博任

屈指頻年來親朋常作客骨肉無幾人俱奮青雲翮勇兒志
四方離別那得惜惟此寸心中耿耿不能釋漫漫大江流盡
夜不稍歇我有長相思可以遠相適朝思寄汝溯夕思寄汝
沙

胡樹薇

字揆望號北垣秀水貢生官永康教諭改縣丞歷任縣知縣

留別永康諸生

豈有尊羹鱸膾思秋風千里賦歸詞一篙綠水舟行候十載
青山夢破時問字幾人還黃酒分題何日更拈髭離情無限
憑誰說惟有河橋楊柳知

兩浙輶軒錄

卷二十四

胡樹枏 胡樹薇

章寶傳

字習之號硯屏歸安人乾隆壬戌進士歷官禮科給事中著蕭江詩存

吳興詩話硯屏由中書歷吏部郎中遷御史轉掌科父子同垣皆止是職閣晴巖同舟出都倡和詩云絳義有誰堪作僕詩名原是不論官媾同莊叟憐渠鴈鶴異羊公任客觀以給諫成進士未用故云趙松翼冬夜讌習之前輩宅詩云選舞徵歌集畫堂消寒共作少年狂酒推大戶先街陣詩諫呂家獨擅場照座玉山裴叔則勸杯金縷杜秋娘殘冬常厭更詩緩今夜如何夜不長

曉泛碧浪湖

浮玉秋峯郭外欹蕭然兩岸荻風吹碧天印水平如鏡剪破

涼雲觴一枝

挂瓢堂懷孫山人太初

朝遊山嶺暮水國安化王孫人不識五隱風流茗水間一抔
寂歷歸雲側山人非獨擅詩名能曉吏事兼知兵斯語相傳
聊復爾衿衣鐵笛鳴孤清孤清自喜絕塵滓高坐烟林酌青

醜學道看除沈侍郎就昏難免何居士嗟哉往事徒蒼涼古
木盤雲倚夕陽碑斷阡移荆棘裏鷓鴣空復懸秋堂

過中笏山前輩海澱新寓次諸桐嶼舍人韻

郭外疎椽柳半遮春簾小軸午陰斜香光靜比維摩室草色
濃於仲蔚家近市好容長買醉到門不定爲看花先生學紙
風流在脫帽相從一笑譚

庭空如洗絕無遮曲折初安六枳斜過眼烟霏皆入畫隨身
硯具卽爲家未輸吟舫浮春水也抵山窗受落花吾亦有廬
葭莢外夢回長憶息紛譚

鄭萬年

字勝律號竹坪西安人乾隆己未
進士官左州知州著竹坪詩稿

家傳畧曰竹坪居官有循吏聲解組
歸依然寒素孜孜講學以勵後進

初抵左陽

土城疑是女牆低
韋白茅黃聖處迷
寥落人家傍官署
夜深猶喜有雞啼

冬仲霜輕畱紫菊
堂邊梅老忽飛花
由來此地宜名左
不向人間州宅誇

鄭光瑗

字蓮若號磊巖西安副貢生著磊巖詩稿

家傳畧曰磊巖掌教太平府麗江書院粵西名士多從之遊郡守查樹亭尊禮之時目為郭林宗

和查儉堂郡伯都中懷嶺西故人詩

才思飄飄迴不羣
吟箋曾記許同分
忽驚歲月如流水
添種

桃榔已拂雲
謝屐幾人懷
舊蹟荀香何日近
餘薰禱祠應慰

生民望擁傳還教看使君

柴景高

字行之號鹿柴仁和人職補孫潮生

家傳畧曰公少負才名與袁太史枚相頡頏人稱鷺鶴才子官安南片言折獄上官器重之首列薦刻尋卒於

官

謁遼安南縣令和同人見贈

十年慚愧軟紅塵
燈火因緣夢亦親
我已羞隨鄰女嫁
畫眉從此不如人

到六安州

雲樹迷濛送客舟
一帆初到六安溝
蘆花夾岸雨聲碎
除却江南無此秋

柴繩高

字彥之號墨耕仁
和監生湖生子

石佛閣和前明馬孟河原韻

任城古戍野花叢
寒食匆匆客路中
槐市詎開童子塾
柳陰遙識梵王宮
碑文剝蝕搜奇句
蓬梗飄零歎舊踪
駐馬斜陽村店近
平疇麥浪捲春風

沈慶曾

字駿文號學圃仁和歲貢生
官紹興府學訓導著鼓齋集

舟次富春

離家纔百里旅況已淒然孤雁衝寒月扁舟宿暮煙心隨秋
葉亂身傍水鷗眠欲問如何夜荒雞促曉天

秋日山居懷友

茅屋空山裏開窗對夕曛松奇多化石烟冷半成雲舊續驅
貧賦新修乞巧文何人同唱和惆悵爲夫君

王德溥

字容大一字潛和錢塘諸生

杭世駿墓附畧曰君父鈞瑩仕當爲州邑親民之官不
就君寡兄弟終身孺慕盡事親之道親親之誼傳師友
之問無遺憾篤于行仁而不計財之贏絀勇於爲
仁而不辨世之貪廉易贊前索紙書一詩以戒子
何其詩叙畧曰君於唐宋諸大家靡不流覽尤喜劍南
詩同里陸君筱飲高君蘭陔相與切瑣往還無間尊甫
取陶先生年躋耄耄倦遊歸里闕養素園以娛老尚石
池館之勝甲于里中而又禮延王丈茨檐以課諸孫王

丈與杭太史董浦汪徵君槐塘張孝廉南漪世稱松里
四子于是諸耆宿及西湖詩僧袁虛讓山時相過從繼
又築寶日軒爲藏書之所君復廣收善本秘冊充牣其
中所作詩以和平溫厚之懷藎于中而發于外故其人
爲古君子其詩亦古君子之詩也

曹大荔帷徐六南徐同過養素園

三徑將荒近欲鋤忽聞二妙過吾廬
潭雲山雨供詩筆庭樹檐花映客裾
懶性自來交最淡高懷應諒禮全疎
若憐郭外風煙好祇待還能具野蔬

茨檐先生移居有作卽和原韻

一任霜毛白到顛風流人盡識癯仙
祇期門巷清如水不厭軒窗小似船
乞竹欲將餘地補移牀好就醉時眠
從茲更謝閒來往免使苔牆損綠錢

兩浙輞軒錄卷二十四